

Bilten

Kantonalnog suda Novi Travnik

Posebno izdanje u povodu Europskog dana civilne pravde



EUROPSKI DAN CIVILNE PRAVDE U BiH



"Dani otvorenih vrata suda"
23.-24.10.2009.
Kantonalni sud Novi Travnik

"Open door days of Court"
23-24.October 2009
Cantonal Court Novi Travnik

Manifestacija je započela 23.10.2009.g u 8 sati, simboličnim otvaranjem vrata suda i puštanjem balona



Potpisan Sporazum o suradnji između Kantonalnog suda Novi Travnik i Pravnih fakulteta



Predstavljen Priručnik Kantonalnog suda Novi Travnik



Održana press konferencija za medije



Održana I. Konferencija u povodu Europskog dana civilne pravde pod nazivom: "Aktualni trenutak pravosuđa u BiH u europskim pravosudnim sustavima"



EUROPSKI DAN CIVILNE PRAVDE U BIH

Uvod

Europski dan civilne pravde ustanovljen je 05.06.2003. godine od Vijeća Europe i Europske komisije. Obilježava se svake godine u zadnjem tjednu mjeseca listopada/oktobra sa ciljem da približi građanima pravosudni sustav, kako bi im se učinio dostupnijim, kao i da im se pruži mogućnost da bolje razumiju svoja prava i upoznaju sredstva koja im stoje na raspolaganju radi ostvarivanja njihovih prava. Odgovarajuća državna tijela, kao i svi učesnici u pravosudnom sustavu pozvani su da uzmu učešće tijekom tog dana i da organiziraju određene događaje u tu svrhu.

Tim povodom, Kantonalni sud Novi Travnik, kao predstavnik Bosne i Hercegovine u Europskoj mreži pilot sudova, uz pomoć i podršku Visokog sudbenog i tužiteljskog vijeća BiH, kao suorganizatora manifestacije, obilježio je Europski dan civilne pravde, organiziranjem manifestacije pod nazivom: „Dani otvorenih vrata suda“, 23. i 24.10.2009. godine.

I. dan manifestacije "Dani otvorenih vrata suda" 23.10.2009. godine

Dvodnevna manifestacija: "Dani otvorenih vrata suda" koja se održavala 23. i 24.10.2009.godine u Kantonalnom sudu Novi Travnik, u povodu obilježavanja Europskog dana civilne pravde



(Europski dan civilne pravde obilježava se svake godine 25. listopada širom Europe), započela je u 8,00 sati simboličnim otvaranjem vrata suda i puštanjem balona, u petak 23.10.2009.godine.



Prilikom da se upoznaju s radom Kantonalnog suda Novi Travnik, njegovu ustroju i nadležnostima kao i općenito, ustroju i nadležnosti sudske vlasti u BiH, dobila su djeca iz vrtića, učenici Osnovnih i Srednjih škola, studenti Pravnih fakulteta u BiH, ali i svi ostali građani zainteresirani za rad ove pravosudne institucije.



U posjeti Kantonalnom sudu Novi Travnik bili su:

- Osnovna škola "Safvet beg Bašagić";
- Osnovna škola "Nova Bila";
- Osnovna škola "Novi Travnik"
- Dječiji vrtić "Anđeli"
- Gradski vrtić "Novi Travnik"
- Srednja škola "Novi Travnik"
- Srednja škola "308. S.B.B"
- Fakultet pravnih nauka, otvoreni univerzitet "APEIRON" Travnik
- Pravni fakultet u Kiseljaku

Kroz vođene obilaske suda, akreditirani predstavnici suda, stručni suradnici Esad Pašalić, Marina Šapina i Adis Mehić, upoznali su posjetitelje kako sa organizacijom i funkcioniranjem sudske vlasti u BiH tako i sa organizacijom i funkcioniranjem Kantonalnog suda Novi Travnik. Učenici su posjetili urede sudaca Vladimira Žuljevića, Zuhdije Ćosića, Dunke Begić i Senada Begovića, te su kroz razgovor i postavljena pitanja upoznati sa radom jednog suca Kantonalnog suda Novi Travnik.



Za organizirane grupe pripremljen je promotivni materijal Kantonalnog suda kao i promotivni materijal drugih vladinih i nevladinih organizacija.



Tom prilikom djeci, učenicima, studentima kao i voditeljima organiziranih grupa, podjeljen je edukativni promotivni materijal: Zaštitimo djecu u prometu Razigrano i sigurno; Spomenar, Adresar; Raspored časova; Stop nasilju; Škola u borbi protiv trgovine ljudima; Kodeks za zaštitu ljudskih prava u školi; Spriječimo nasilje među djecom; SOS telefoni za pomoć žrtvama nasilja u porodici; Olovke grafitne; Blokići, Baloni sa logom Europskog dana civilne pravde, Brošure: Priznanje strane sudske odluke; Mi cijenimo Vaše mišljenje; Branitelj u kaznenom postupku; Vodič za Slobodan pristup informacijama; Newsletter EU br.3 eng.jez.; Godišnji izvještaj udruženja Vaša prava; CMS; Centar za sudsku dokumentaciju; promotivni materijal Vijeća Europe (torbe s promotivnim materijalom, kišobrani).

U akciji koja je prethodila ovoj manifestaciji kontaktirane su različite institucije i udruženja, koja su tom prilikom donirala svoj promotivni materijal s ciljem da se građani upoznaju i educiraju o svojim pravima. To su: Vijeće Europe; Visoko sudbeno i tužiteljsko vijeće BiH; OSCE BiH; Općinski sud Travnik; Općinski sud Bugojno; Općinski sud Kiseljak; Gender centar; Udruženje „VAŠA PRAVA“; Save the children-Norway; Udruženje „MEDICA ZENICA“; Boram Marketing-Sarajevo; Udruženje za saradnju roditelja i škola u BiH; Asocijacija auto-moto klubova u BiH. Svim donatorima organizatori su podijelili zahvalnice za uspješnu suradnju i donirani materijal.

U Kantonalnom sudu Novi Travnik s početkom u 13,00 sati bilo je upriličeno je svečano potpisivanje Sporazuma o suradnji između Kantonalnog suda Novi Travnik i Pravnih fakulteta, a u cilju stručnog i praktičnog usavršavanja studenata završnih godina studija, kojem su prisustvovali dekan Pravnog fakulteta u Sarajevu, prof. dr. Borislav Petrović, dekan Fakulteta pravnih nauka, Otvoreni univerzitet „APEIRON“, prof. dr. Miloš Trifković i dekan Pravnog fakulteta u Kiseljaku, prof. dr. Mehmed Kenović.



U cilju unapređenja pristupa pravdi kroz otvorenost suda, javan i transparentan rad suda, te bolju informiranost građana, predsjednica suda javnosti je predstavila Informativni priručnik Kantonalnog suda Novi Travnik. Priručnik predstavlja skup korisnih informacija koje će doprinijeti boljoj razmjeni informacija između suda i korisnika usluga suda.



Prezentaciji Informativnog priručnika prisustvovali su Specijalna predstavnik Glavnog tajnika Vijeća Europe u BiH, g-đa Caroline Ravaud, dekan Pravnog fakulteta u Sarajevu, prof.dr.Borislav Petrović, predsjednici sudova i tužiteljstva BiH, suci i uposlenici Kantonalnog suda Novi Travnik kao i predstavnici medija koji su popratili ovaj događaj.

Svim prisutnim gostima na prezentaciji Informativnog priručnika podjeljen je po primjerak istog.



Nakon prezentacije Informativnog priručnika Kantonalnog suda Novi Travnik, u sudnici Kantonalnog sud Novi Travnik, održana je press konferencija za medije kojoj su nazočili predsjednik Visokog sudbenog i tužiteljskog vijeća BiH, gosp. Milorad Novković, predsjednica Kantonalnog suda Novi Travnik, g-đa Katica Jozak-Mađar i specijalna predstavnik Glavnog tajnika Vijeća Europe u BiH, g-đa Caroline Ravaud.



Predsjednik visokog sudbenog i tužiteljskog vijeća BiH, gosp. Milorad Novković istaknuo je da obilježavanje Evropskog dana civilne pravde veliki događaj za cijelo pravosuđe u BiH, kao i za državu BiH. Posebno mu je drago da se ovaj veliki događaj obilježava u Kantonalnom sudu Novi Travnik, koji je dobar sud, zajedno sa predsjednicom suda i svim sucima i uposlenicima.

Specijalna predstavnik Glavnog tajnika Vijeća Europe u BiH, g-đa Caroline Ravaud istakla je činjenicu da je Kantonalni sud Novi Travnik objavljivanjem Informativnog priručnika Kantonalnog suda Novi Travnik obavio veoma uspješan posao. Sudovi su ti koji osiguravaju javnu uslugu i koji rade u svrhu i u interesu građana. Građani moraju da znaju koje usluge sudovi mogu da im pruže, istakla je u svom obraćanju g-đa Ravaud.

Predsjednica Kantonalnog suda Novi Travnik, g-đa Katica Jozak-Mađar istakla je da sve aktivnosti koje se čine povodom obilježavanja Evropskog dana civilne pravde, imaju za cilj da Bosna i Hercegovina spozna značaj obilježavanja ove manifestacije. Ne samo sudovi, već i druga državna tijela treba da se afirmiraju u obilježavanju Evropskog dana civilne pravde, s ciljem da se opća populacija educira o pravima koja im pripadaju i o načinu kako da ih ostvare, a također i kako da ih zaštite kada su im ista povrijeđena i ugrožena.

Nakon press konferencije za medije, u auli suda predsjednik Visokog sudbenog i tužiteljskog vijeća BiH, gosp.Milorad Novković, predsjednica Kantonalnog suda Novi Travnik, g-đa Katica Jozak-Mađar i specijalna predstavnik Glavnog tajnika Vijeća Europe u BiH, g-đa Caroline Ravaud otkrili su spomen ploču kao trajni podsjetnik na obilježavanje Evropskog dana civilne pravde u BiH, a sve s ciljem kako bi se građani upoznali i educirali o svojim

pravima i sa funkcioniranjem pravosudnog sustava koji garantira zaštitu i ostvarivanje njihovih prava.



U znak zahvalnosti učesnicima konferencije podjeljene su torbe Vijeća Europe koje su sadržavale promotivni materijal Kantonalnog suda Novi Travnik, kao i drugih vladinih i nevladinih udruga, te Informativni priručnik Kantonalnog suda Novi Travnik. Ukupan broj učesnika i gostiju I. Konferencije bio je oko 250.

Konferenciju je otvorio predsjednik Visokog sudbenog i tužiteljskog vijeća BiH gosp. Milorad Novković



Nazočne su pozdravili gosp. Niko Grubešić, pomoćnik Ministra pravde Bosne i Hercegovine i g-đa Caroline Ravaud, specijalna predstavnik Glavnog tajnika Vijeća Europe u BiH.

Najvažniji događaj dvodnevne manifestacije bila je **I. Konferencija koja je održana u sklopu Evropskog dana civilne pravde pod nazivom: "Aktualni trenutak pravosuđa u BiH u evropskim pravosudnim sustavima"**.



Konferenciji su nazočili predstavnici zakonodavne, izvršne i sudske vlasti u BiH, Federaciji BiH i Kantonu Središnja Bosna, predstavnici međunarodne zajednice, vladinih i nevladinih organizacija, odvjetničke komore, notari, mediji.



U Plenarnoj sjednici, kroz desetominutna izlaganja, na Konferenciji su predstavljene sljedeće teme:



Položaj i uloga Visokog sudbenog i tužiteljskog vijeća BiH u izgradnji nezavisnog i efikasnog pravosuđa, Milorad Novković, predsjednik Visokog sudbenog i tužiteljskog vijeća BiH,



Ciljevi i zadaci Evropske komisije za efikasnost pravosuđa - rad Mr. Ljiljana Filipović, sutkinje Vrhovnog suda Federacije BiH prezentirao Mersudin Pružan, zamjenik Glavnog stegovnog tužitelja VSTV-a BiH,



U susret Europskom danu civilne pravde, Kantonalni sud Novi Travnik i Europska mreža pilot sudova, Katica Jozak-Mađar, predsjednica Kantonalnog suda Novi Travnik



Ustavni sud BiH i pravo na suđenje u razumnom vremenskom roku, prof. dr. Miodrag Simović, predsjednik Ustavnog suda BiH,



Trgovina ljudima, posebno djecom, usklađenost domaćeg zakonodavstva u odnosu na međunarodne standarde, Hajrija Hadžiomerović-Muftić, tužitelj Federalnog tužiteljstva



Edukacija pravosudnih organa za uspješno suprotstavljanje organiziranom kriminalu, prof. dr. Borislav Petrović, dekan Pravnog fakulteta u Sarajevu,



Bosna i Hercegovina i Europski sud za ljudska prava, Monika Mijić, agentica Bosne i Hercegovine pred Europskim sudom za ljudska prava u Strasbourgu,



Informatizacija pravosuđa, kratak pregled ostvarenih rezultata u periodu 2004.-2009. g, Dušica Milosavljević, pravni analitičar VSTV-a BiH.

Sve prezentirane teme, organizatori su objavili u Zborniku radova I. Konferencije „Aktualni trenutak pravosuđa u BiH u Europskim pravosudnim sustavima.

Nakon radnog dijela Konferencije upriličen je svečani koncert, u kojem su učestvovali Gradski zbor KUD „Borac“ Travnik“, Srednja glazbena škola Jakova Gotovca iz Novog Travnika i vokalna skupina „Viteški akordi“ iz Viteza.

Za sve nazočne, organizatori Konferencije, Visoko sudbeno i tužiteljsko vijeće BiH i Kantonalni sud Novi Travnik, organizirali su svečani prijam.

Prezentatorima tema uručene su zahvalnice za uspješnu suradnju i aktivno učešće na **I. Konferenciji u povodu Europskog dana civilne pravde**, kao i donatorima za uspješnu suradnju i aktivan doprinos u organizaciji manifestacije, kao i za donirani promotivni materijal, kao i svima onima koji su dali doprinos u organizaciji manifestacije.



II. dan manifestacije "Dani otvorenih vrata suda" 24.10.2009. godine



Drugi dan manifestacije, subota 24.10.2009.godine, od 9,00 sati, vrata Kantonalnog suda Novi Travnik bila su otvorena građanima Novog Travnika, a i šire.

Građani su imali prigodu da se kroz razgovor i diskusiju sa sucima ovoga suda (otvorene debate), bliže upoznaju sa svojim pravima i dobiju informacije o funkcioniranju pravosudnog sustava u BiH, posebice novog materijalnog i procesnog zakonodavstva, iz oblasti: obiteljsko pravo, nasljedno pravo, radno pravo, upravno pravo, kazneno pravo, parnični postupak i medijacija, stvarna prava i ovršni postupak.



U cilju bolje informiranosti i educiranja građana o njihovim pravima, načinu ostvarivanja i zaštite prava, sud je građanima učinio dostupnim promotivni materijal glede Europskog dana civilne pravde, kao i drugi promotivni materijal prikupljen od pravosudnih institucija, udruga/udruženja, vladinih i nevladinih organizacija iz cijele Bosne i Hercegovine.

...